

Broj: 4110-26/403
Datum: 19.06.2020.

Radio-televizija Federacije Bosne i Hercegovine

Na osnovu Člana 35. Zakona o Javnom servisu Radio-televizije Federacije Bosne i Hercegovine (Sl. novine 48/08), Člana 70. Zakona o javnim nabavkama (Sl. glasnik 39/14) te Preporuke od strane Komisije za javne nabavke broj: 4110-26/472 od 19.06.2020. godine, donosim

ODLUKU

o izboru najpovoljnijeg ponuđača u javnoj nabavci putem pregovaračkog postupka bez objave obavještenja za Usluge istraživanja tržišta JN 38/20

I

Na osnovu provedenog pregovaračkog postupka bez objave obavještenja Usluge istraživanja tržišta za potrebe Radio-televizije Federacije Bosne i Hercegovine, broj nabavke: JN 38/20, a prema odredbama Zakona o javnim nabavkama BiH (Sl. glasnik BiH 39/14) nakon procedure javne nabavke izabran je ponuđač sa Konačnom ponudom u iznosu od:

Audience Measurement d.o.o. Sarajevo sa ponudenom cijenom **100.977,96** (slovima: *stotinu hiljadadevetstotinasedamdesetsedam* 96/100 KM) bez PDV-a.

II

Ova odluka stupa na snagu danom donošenja i objavit će se na www.rtvfbih.ba u skladu sa članom 70. stav (6) Zakona o javnim nabavkama, istovremeno sa upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Radio-televizija Federacije BiH je u skladu sa članom 17. stav (1), 18. stav (1) i 21. stav (1) tačka c) Zakona o javnim nabavkama BiH pokrenuo postupak javne nabavke usluga mjerenja tv gledanosti u postupku javne nabavke Usluge istraživanja tržišta putem pregovaračkog postupka bez objave obavještenja.

Pregovarački postupak je proveden u skladu sa članom 28. Zakona o javnim nabavkama BiH a tenderskom dokumentacijom je precizirano da će se postupak odvijati u tri faze i to: Faza 1- Predkvalifikacija, Faza 2- Poziv za dostavljanje početnih ponuda i pregovori i Faza 3- Poziv za dostavljanje konačnih ponuda.

U skladu sa članom 28. stav (4) Zakona o javnim nabavkama BiH, ugovorni organ je na svojoj internet stranici www.rtvfbih.ba objavio Poziv za dostavljanje ponuda za Usluge istraživanja tržišta JN 38/20 broj: 4110-26/403 od 16.04.2020. godine.

Ponuđač Audience Measurement d.o.o. Sarajevo (ID broj: 4201776160008) je do termina predviđenog za dostavu Faze 1- Predkvalifikacija dostavio Zahtjev za učešće. Komisija

imenovana za postupak javne nabavke Odlukom broj: 4110-02/351 od 08.04.2020. godine je sačinila Zapisnik o pregledu i ocjeni broj: 4110-26/406 od 04.05.2020. godine u kojem je utvrđeno da je ponuđač ispunio sve uslove tražene Fazom 1- Predkvalifikacija. Na osnovu ovog zapisnika od strane ugovornog organa je sačinjena i Odluka o rezultatu postupka Faza 1- Predkvalifikacija u pregovoračkom postupku bez objave obavještenja za nabavku Usluga istraživanja tržišta JN 38/20 broj: 4110-02/411 od 05.05.2020. godine.

U skladu sa rezultatima Faze 1- Predkvalifikacija, ugovorni organ je nastavio postupak javne nabavke Fazom 2- Poziv za dostavljanje početnih ponuda i obavljanje pregovora. Kvalifikovani ponuđač Audience Measurement d.o.o. Sarajevo je dostavio početnu ponudu u iznosu od 100.977,96 KM bez PDV-a. O ovoj fazi sačinjen je Zapisnik o pregledu i ocjeni Faze 2- Dostavljanje početnih ponuda i pregovaranje broj: 4110-26/429 te je utvrđeno je da je ponuđač kvalifikovan na sljedeću fazu postupka javne nabavke. Od strane ugovornog organa sačinjena je Odluka o rezultatu postupka Faza br. 2- Dostavljanje početnih ponuda i pregovaranje u pregovaračkom postupku bez objave obavještenja za nabavku Usluga istraživanja tržišta JN 38/20 broj: 4410-02/446 od 21.05.2020. godine. Utvrđeno je da je ponuđač Audience Measurement d.o.o. Sarajevo je kvalifikovan za Fazu 3- Poziv za dostavljanje konačnih ponuda.

Konačna ponuda ponuđača Audience Measurement d.o.o. Sarajevo za Usluge istraživanja tržišta glasi na iznos 100.977,96 KM bez PDV-a te je ispunio sve uslove tražene Fazom 3- Konačne ponude. Na osnovu Zapisnika o pregledu i ocjeni Faze 3- Dostavljanje konačne ponude (broj: 4110-26/456 od 04.06.2020. godine) od strane ugovornog organa sačinjena je Odluka o rezultatu postupka Faze br. 3- Dostavljanje konačnih ponuda broj: 4110-02/471 od 08.06.2020. godine.

Na osnovu člana 21. stav (1) tačka c) Zakona o javnim nabavkama BiH ugovorni organ izuzetno može ugovor o nabavci dodijeliti putem pregovaračkog postupka bez objave obavještenja u slučaju *„kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom dobavljaču“*, predmet javne nabavke je usluga mjerenja tv gledanosti a jedini pružalac usluga mjerenja na tržištu BiH je kompanija Audience Measurement d.o.o. Sarajevo. Također, ova kompanija je jedina kompanija koja je podnijela Zahtjev za učešće u skladu sa Pozivom za dostavljanje ponuda broj: 4110-26/403 od 16.04.2020. godine.

Procijenjena vrijednost nabavke u skladu sa Planom JN i Odlukom o pokretanju pregovaračkog postupka javne nabavke Usluge istraživanja tržišta JN 38/20 (broj: 4110-02/350 od 08.04.2020. godine) je 130.000,00 KM bez PDV-a. Cijeneći obrazloženim Preporuku od strane komisije za javnu nabavku Usluga istraživanja tržišta JN 38/20 putem pregovaračkog postupka bez objave obavještenja (broj: 4110-26/472 od 19.06.2020. godine), odlučeno je kao u dispozitivu.

Pouka o pravnom lijeku

Na ovu odluku dozvoljena je žalba u skladu sa Članom 101. stav (4) tačka b. Zakona o javnim nabavkama Bosne i Hercegovine (Službeni glasnik BiH 39/14).

Žalba se može izjaviti najkasnije 30 (trideset) dana od dana objave obavještenja o dodjeli ugovora. Žalba se podnosi u dovoljnom broju primjeraka koji ne može biti manji od 4 (četiri) na adresu ugovornog organa: Radio-televizija Federacije Bosne i Hercegovine, ul. Bulevar Meše Selimovića broj 12, 71000 Sarajevo.

RTV FBiH

Džemal Šabić, generalni dir.

